



Universitätsbibliothek Paderborn

Theologia Moralis Universa

Ad Mentem Præcipuorum Theologorum & Canonistarum, insertis suo loco
Propositionibus à S. Sede Apostolica novissimè damnatis concinnata. Et
Per Casus Practicos exposita

Complectens LXXV. Casus Materiam de Conscientia, Legibus, Peccatis,
Fide, Spe, Charitate, Jure, Justitia, Restitutione, Contractibus, Judiciis &
Religione &c.

Jansen, Leonhard

Coloniæ Agrippinæ, 1744

Casus XLIV. De Restitutione famæ & honoris.

urn:nbn:de:hbz:466:1-39867

C A S U S XLIV.

De Restitutione famæ & ho-
noris.

Zarus, super restitutione famæ anxius querit in
 1. An fama restitui debeat? 2. An filius ob-
 ligetur pro parente, an hereditibus læsi? 3. Quid
 si graviter infamavit cum levi vel nulla culpa?
 4. Quid si infamantia dixit de Petro, audientes
 autem intellexerunt de Paulo? 5. An sufficiat in-
 famatum laudare in alia materia? 6. An debeat
 dicere se esse mentitum, an jurare, adhibere te-
 stes, an revocare cum periculo vita vel famæ? 7.
 An apud auditores mediatos? 8. Quid debeatur
 pro honore læso? 9. Quid si ex detractione domna
 realia sint secuta, aut etiam mors? 10. Quid si
 infamia sit oblivioni data, vel fama recuperata?
 11. Quid si crimen expost fiat publicum? 12. An
 fama compensari debeat per pecuniam? 13. Quid
 si læsus revocationem remitteret, si rogaretur? 14.
 Quid si reciprocè se infamarent? 15. An per mo-
 dum defensionis liceat occultum alterius crimen
 manifestare? 16. An falsum affingere? Pro re-
 solut.

I. QUÆR. I. Quid sit fama, honor, item an
 & qualiter læsa restitui debeant?

R. I. Definitionem famæ & honoris dedi cas.
 36. ubi etiam de vitiis iisdem oppositis ex pro-
 fesso dictum fuit.

R. Quoad restitutionem famæ vel honoris
 læsi accipe regulam sequentem certam & ab
 omnibus receptam: *Omnis, qui per detractionem
 alterius famam, vel per calumniam alterius ho-
 noris*

morem injustè lœsit , tenuerit efficaciter restituere famam , honorem & omnia damina realia inde secuta ; Ratio regulæ est , quia damnatio famæ & honoris est reparabile , & quilibet jus habet in famam & honorem æquè , ac in bona temporalia ; ergo sicut hæc injustè lœsa reparati debent , sic & fama honorique .

Dicitur 1. Omnis , qui lœsit ; nam obligatio 2.
restituendi famam est personalis , nec transit ad
hæredes nisi ex speciali pacto , ut si moriturus fi-
lio vel hæredi committat , & hic suscipiat obliga-
tionem restituendi famam à defuncto lœsam ; si-
militer fama restituenda est soli lœso , non autem
hæredibus , nisi infamia defuncti in eos redun-
det , ut si dixeris defunctum genuisse hos filios ex
adulterio , tunc & filiis fama restituenda est .

Dicitur 2. Qui injustè lœsit ; nam si lœsio fa- 3.
mæ sit justa , eò quod crimen sit publicum , vel
criminis occulti revelatio sit necessaria pro aver-
tendo malo Reip. vel innocentis , nulla debetur
restitutio . *V. Cas.* 36. n. 5. & 15. si lœsio est
injusta in materia levi , debetur restitutio sub levi ,
in materia gravi sub gravi .

At quid , si graviter quidem lœsisti famam , sed
absque omni culpa , eò quod crimen à te narra-
tum bonâ fide credebas esse publicum , vel defe-
ctu deliberationis & advertentiæ cum culpa levi ?
R. Si absque gravi incommodo famam restituere
possis , ad hoc teneris non tantum ex charitate ,
quod tibi est commune cum omnibus , qui etiam
nullam infamiae causam dederunt , & apud omnes
est in confessio , sed etiam ex justitia . *Less. Laym.*
c. 7. n. 1. Tamb. l. 9. c. 3. §. 3. Lugo d. 15.
& n. 3. Soor. in dec. t. 5. c. 4 n. 86. Ra-
tio est , quia justitia non tantum obligat ad non
ponen-

ponendam causam proximo damnoſam , ſed etiam ad auferendam jam poſitam , hoc ipſo enī quod ſcias causam v. g. revelationem occulti cri- minis à te etiam inculpabiliter poſitam alteri in- ferre danno , & non removeas cùm facile po- ſis , cenſeris danno illud approbare & velle , tenerisque reſtituere ; ſicut ſi tuus bos te nescien- te incipiat nocere frugibus proximi , ſi expoſt id reſcias , & non abigas , danno à tempore ſci- entiae cauſatum tibi fit voluntarium cùm obliga- tione reſtituendi ; item bonā fide alicui poſuisti ignem , ex quo poſtea advertis oriri incendium , loco medicinæ porrexiſti venenum , ſi incendium , vel mortem non impediſtas , cùm facile potes , in conſcientia es incendiarius & homicida .

Dices 1. Talis diſfamator non tenetur ex re accepta , cum ex fama aliena nihil poſſideat , ne- que ex delicto vel contractu , quia formalis cul- pa aut contractus non interceſſit , ut ſupponitur ergo .

2. Si alterius ædes ſine culpa exuſſi , ad nihil teneor; ergo à pari , ſi absque culpa deſtruixi al- terius famam .

3. Si bos meus me ignorantē perdat alienas le- getes & ego ſuperveniens cum non prohibeam non teneor ad primum danno me nesciente il- latum , ſed tantum ad illud , quod expoſt infert me ſciente ; quod ſi me ſciente novum danno præter primum non inferat , ad nihil tenebor , quia primum danno mihi non eſt imputabile ; ergo à pari ſi primò ſine culpa famam læſi , & poſt me advertente ex mea actione nova infamia non ſequatur , ad nihil teneor : ecce ſententiam verè probabilem & in praxi tutam , quam *Dicāſt.* de Reſtit. d. 12. n. 162. dicit probabilissimam ;

Sed

Sed &c. ad 1. obligationem oriri tum ex re quasi accepta ; detractor enim famam alterius quasi detinet apud se , usque dum per revocationem quasi ex suo eam reddat ; tum maximè ex injusta damnificatione , quæ quidem ab initio formaliter injusta non est, sed fit talis per voluntariam continuationem.

Ad 2. Est disparitas , quòd actio exustiva ædium nec ab initio nec expost fiat voluntaria , ut supponitur.

Ad 3. Iterum disp. est, quòd mea detractio, si non revocetur , cùm potest , pergit me sciente & volente causare totum & idem damnum in fama , quod antea causarāt me ignorantē , ergo totum illud damnum tencor reparare ; econtra bos me præsente non infert idem damnum, quod antea intulerat , sed planè novum , ergo sufficiet restituere damnum novum , quod meus bos me sciente & non prohibente intulit.

Sed denique quid , si infamantia loquebaris de 4. Petro , audientes autem intelligebant de Paulo , an teneris famam reparare Paulo ex justitia; nam quòd tenebris ex charitate , si absque gravi incommodo possis , indubitatum est : Negat *Lef.* quia obligatio restitutionis oritur ex sola formalis injuria ; Paulo autem non fecisti injuriam formalem , sicut si volens occidere equum Petri inimici tui, præter intentionem occidas equum Pauli amici : At melius affirmant *Molina* & alii; nam quamvis tua actio ab initio non fuerit causa formalis & voluntaria damni ut Paulo illati, quia tamē te sciente pergit nocere , si eam non removreas , quando facile potes , fiet tibi causa damni voluntaria & obnoxia restitutioni ; sicut si vo-

H h lens

R. D. Jansen Theol. Moral. Tom. 2.

lens incendere horreum Petri casu incendas horreum Pauli, si advertens errorem, incendium, cum potes, non restinguas, totum damnum tibi fit imputabile cum obligatione satisfaciendi Paulo.

5. *Dicitur 3.* Tenetur efficaciter restituere, ita ut infamatus bonum nomen suum in effectu recipiat, ideoque, si aliquem sive vera & occulta, sive falsa narrando infamasti, non satisfacis eum in alio genere laudando. v. g. dixisti Petrum esse homicidam, non est satis, si dicas eum esse castum, quia per famam castitatis, nequidem partialiter, tollitur infamia homicidii; sed debes dicta revocare, dicendo te injuriam fecisse, te male fuisse informatum, te errasse errore scilicet pratico &c. Si vera dixisti, non potes dicere te esse mentitum, quia hoc ipsum esset mentiri, posses tamen & deberes, si aliter fidem obtinere non potes, uti restrictione mentali, dicendo ipsum tale crimen non admisisse, subintelligendo publicè, seu tali modo, ut licetè potueris revealare, sicut ejusmodi restrictione uti potest & debet Confessarius interrogatus de crimine sibi dicto in confessione, ut fatentur omnes. Si falsum dixisti, teneris, si opus est, revocare, dicendo te esse mentitum, adhibendo juramentum & testes, etiam cum æquali tua infamia & periculo, v. g. alium per calumniam accusasti, falsum testimonium scienter dixisti, ex quo alteri mors, jactura famæ & bonorum imminet, obligaris tum dictum retractare &c, si opus est, cum periculo vita, famæ, & bonorum, ut habet communis & certa; quia in pari causa melior est conditio innocentis; & sicut iniquus occisor equi alieni tenetur restituere cum jactura equi proprii vel ejus

ejus pretii , sic & restituere famam cum simili
jactura famæ propriæ ; non tamen tenetur cum
longè majore suo damno , quia tunc censetur
moraliter impotens, neque tenetur per seipsum ,
firrevatio utiliter fieri possit per Confessarium,
vel per alium. Si detractor prævideat , vel meri-
tò timeat , ne crimen à se dictum ab auditoribus
ulterius propaletur , si expost ultrà propalatum
est , obligatur etiam apud auditores mediatos re-
vocare, quia est causa iusta detractionis per hos
factæ ; secus si dixerit viris prudentibus , à qui-
bus ulteriore propalationem non timebat : si
non recogitâsti , an auditores tui sint vel non sint
taciturni , ut communiter contingit , probabi-
liter non teneris revocare apud mediatos , quia
cùm nemo præsumi debeat malus , ulterior cri-
minis revelatio non tibi , utpote qui eam non
prævidisti , sed auditorum malitiæ imputanda
venit.

7.

8.

Dicitur 4. *Debet restituere famam & hono-
rem* , intellige per contumeliam lœsum , de qua
vide Cas. 36. num. I. Si contumelia non con-
tineat detractionem v. g. privatim nemine audi-
ente aliquem vocas stultum , spurium , adulterum:
propriè non debetur restitutio , sed (nisi sei-
psum vindicando juri suo resignârit) satisfactio,
petendo veniam &c. ad quam tamen plerumque
non tenentur superiores , parentes , Domini , ne-
dum nimium servatur humilitas , regendi franga-
tur authoritas , uti ait S. August. in sua regula ;
tenebuntur tamen satisfacere exhibendo extraor-
dinaria honoris & benevolentiæ signa , v. g. ami-
cè salutando , alloquendo , obsequia & beneficia
præstanto &c.

Dicitur 5. *Et omnia damna temporalia , intel-
lige*

H h 2

9.

lige prævisa, ut si ob tuam detractionem quis officio, dignitate vel bonis suis privatus sit, hæc obligatio transit ad hæredes: si ex tua detractione de crimine occulto, sed vero quis fuerit accusatus & condemnatus, ad nihil teneris, quia sententia est justa, & fama reparari non potest, cùm crimen per justam sententiam sit factum publicum.

QUÆR. II. Quæ hæc sint causæ à restitutione excusantes?

10. R. Sunt seqq. 1. *cessatio damni*, ut si nullum damnum factum est, eò quod audientes dicenti non crediderint, vel infamia oblivioni sit tradita, aut fama aliunde v. g. purgatione canonica, probitate vitæ, proborum virorum testimonio, vel autoritatē judicis jam sit recuperata; quo casu adhuc satisfieri debet pro damno temporali, si quod ex detractione secutum est, & pro impensis, quas infamatus facere debuit pro recuperanda fama.

11. 2. *Excusaris*, si crimen occultum à te revelatum sine tua culpa factum est publicum; si tuā culpā publicatum est, teneris, si potes, revocare etiam publicè per scripturam, concionatores &c. *nec obstat*, quod per publicationem veri criminis infamatus amiserit jus ad famam, nam jus illud amisit per tuam injustitiam, ergo quantum est in te, teneris facere ut ipse jus & famam recuperaret.

12. 3. *Excusat potentia physica vel moralis*, ut si auditores tuos, coram quibus detraxisti, nec scripto nec verbo convenire possis, aut restituere nequeas sínè longè majori tua infamia vel damno; quod si fama nullatenus restitui possit, & infamatus nullum damnum in bonis fortunæ passus

passus sit , non teneris ante sententiam judicis
damnum famæ compensare pecuniâ. Nav. Less.
Sporer. *Lugonum.* 23. & plurimi apud *La Croix*
l. 3. p. 2. n. 299. quia justitia tantum exigit,
ut restituatur res ablata in se vel æquivalenti ,
sive in eo , quod rei secundum communem aesti-
mationem æquivalet , ita ut inter se functionem
& commutationem recipiant , sed pecunia nec
in se , nec in æquivalenti est fama , nec per
quantamcunque pecuniam recuperatur fama ab-
lata , ergo.

Dices 1. qui non potest restituere , quod de-
bet , tenetur restituere , quantum potest. 2. Si
fama eadem restitui non possit , est obligatio in-
famatum laudandi in alia materia , vel etiam ho-
norandi , ut habet communis , & tamen una
fama , quâ v. g. diceris justus , nequidem par-
tialiter est alia fama , quâ diceris castus ; imò
fama & honor genere differunt. *R. ad 1.* debet
restituere , quantum potest in rebus ejusdem or-
dinis & in communi æstimatione æquivalenti-
bus *C. Iecus N. ad 2. NC* quamvis una fama non
sit formaliter altera , est tamen in eodem gene-
re bonorum , & licet honor & fama in rigore
physico differant genericè , sunt tamen ita affinia
& connexa , ut moraliter & quoad usus huma-
nos ferè pro eodem reputentur ; licet enim ho-
nor non sit fama , est tamen famæ seu bonæ ex-
istimationis de proximo testificatio.

Excusat libera condonatio infamati ; cùm e-
nim sit Dominus sive famæ , ejus læsionem re-
mittere potest , sufficit autem remissio tacita vel
prudenter præsumpta ex hoc , quod credatur re-
missarius , si rogaretur , aut malit rem dissimula-
ri , quām ejus memoriam refricari ; excipe nisi
H h 3 remis-

remissio cedat in præjudicium religionis, familiæ, vel aliorum, qui ex ejus infamia infamati sunt; tunc enim his invitis obligatio revocandi remitti non potest, quia & ipsis facta est injuria.

14. 5. Excusat reciproca infamatio, dum alter te infamavit & famam restituere recusat. *Sot. Molina. Less. Dian. Sylvius* 2. 2. q. 62. a. 2. *Dicas. d. 12. n. 246. Laym. n. 5. contra Tann. Nav. Lugo n. 44. Sporer à n. 117. Ratio est.* quòd quidem non liceat infamiam compensare, infamantem vicissim infamando, quia non licet reddere *malum pro malo*, nec *maledictum pro maledicto*, i. Pet. 3. postquam tamen sic fecisti, modò injuria utriusque sit æqualis, non teneris alteri restituere, jura enim sunt paria, & tu non habes minus jus ad tuam famam, quam alter ad suam; si ergo alter tuam restituere nolit, sibi imputet, nec rationabiliter invitus esse potest, quòd nec tu restituas, & paria crima compensatione mutuâ delentur. *C. tua fraternitas de adult.*

Dices 1. compensatio tantum habet locum, quando per eam restituitur æqualitas, seu recuperatur id, quod ablatum est, ut si mihi debeas centum aureos, & ego à te surripiam totidem; sed per hoc, quòd non restituo alienam famam, non recupero meam, ut patet; nam ex hoc, quòd alterum dicam esse latronem, ego non credor innocens ab adulterio, quod alter mihi impo-
suit. 2. Quando ad me indemnandum licet alienam rem retinere, etiam licet eam surripere, ut clarum est in debito pecuniario, sed non licet surripere famam alienam, si quis meam restituere nolit, ergo nec licet eam tunc retinere seu non restituere;

Bx. Non

R. Non est h̄ic propriè compensatio , quâ ipsa res vel ejus æquivalens recuperetur , ut male supponunt adv. hæc enim non in fama , sed tantum in rebus pretio æstimabilibus locum habet , ut si pro equo ablato clam surripiatur similis equus vel ejus pretium ; sed solùm est suspensio , seu justa dilatio solutionis , usque dum alter vicissim solvat , quod debet , potest autem esse justa causa differendi solutionem , et si non sit justa causa auferendi rem alienam , ut manifestum est in necessitate gravi , vel in periculo gravis damni , in quibus debitor solutionem differre , non autem alienum auferre potest ; item si quis meas malitiosè ædes exussit , oculum excus sit , non licet quidem vicissim alterius ædes incendere , oculum excutere , quia hoc non esset suum damnum reparare , sed alteri damnum inferre & seipsum vindicare ; postquam tamen ædes exussi , oculum excussi , justè differo reparationem damni , usque dum alter vicissim mihi reparationem offerat ; ergo à pari , et si non licet infamantem mutuò infamare , postquam tamen infamavi , licetè restitutionem famæ differo , usque dum alter pariter meam restituat , quòd si Lugo & Sporer l.c. bene ponderassent , hanc sententiam , non tantum ex authoritate , sed & ex rationibus intrinsecis dixissent probabilem , imò probabilissimam , & mihi omnino veram .

Sed quæres , an saltem per modum defensionis liceat infamantem reciprocè infamare ? R. Pro reparandâ fama jam læsa id non licere , licet tamen pro avertendo damno futuro & imminentे ; sic licetè aperio occultum crimen falsi accusatoris vel testis ad enervandam eorum fidem ; utor enim jure meo , quod habeo ad proban-

15.

H h 5

dam

dam meam innocentiam , & si liceat occultum proximi crimen aperire pro tuenda fama & vita proximi innocentis , imo & ad habendum à vi-
 16. ro gravi solatium , ut docet S. Thom. cur non pro tuenda fama & vita propria : nunquam tamen licet falsum crimen iniquo accusatori vel testi affingere etiam ad evitandam mortem vel extremam infamiam , ut certum est ex prop. 43. & 44. ab Inn. XI. damnatis , quas exhibui Cas. 36. num. 5. nam id foret mendacium in re gravi tum contra justitiam publicam , quia judex , quantum est in se , inducitur ad puniendum Innocentem , & testes ad perjurium , tum contra justitiam privatam , quia quilibet habet jus , ne falso crimine infametur , sicut habet jus , ne à privato occidatur .

Dices cum Lugo & Tamb. si dolo vel mendacio defendam me contra injustum aggressorem eum v. g. falsis promissis aut minis absterendo , peccō venialiter peccato mendacii , non autem contra justitiam , quia habeo jus defendendi vitam , ergo si mendacio injustum aggressorem meæ famæ & vitæ privem suâ famâ , tantum pecco venialiter peccato mendacii ; si enim non est injustitia per mendacium defendere vitam , minus erit in casu posito per mendacium defendere famam simul & vitam .

Bz. N. C. nam imprimis id injustum est in judicio , quia lœditur justitia publica , extra judicium verò impingere falsum crimen non est medium necessarium & certò efficax pro recuperanda fama , potes enim deficere in probatione , & adversarius potest per veros testes aliisque indicia tua dicta elidere ; econtra occisio inusti aggressoris est medium necessarium & certum conservandæ vitæ , ut supponitur .

CA-